

SERMO

**SERMONS SVR L'HISTOIRE DE LA Passion & sepulture de nostre Seigneur Iesus Christ, descrite par les quatre Euangelistes. Sermon premier — Sermons svr l'histoire de la passion et Sepulture de nostre Seigneur Iesus Christ, descrite par les quatre Euangelistes PAR THEODORE de Besze. De l'Imprimerie de Iean le Preux. M. D. XCII.**

Théodore de Bèze

Transcription électronique



[ Page titre]

SERMONS  
SVR L'HISTOIRE  
DE LA PASSION ET  
Sepulture de nostre Seigneur  
Iesus Christ, descrite  
par les quatre  
Euangelistes.

PAR THEODORE de Besze.  
De l'Imprimerie de Jean le Preux.  
M. D. XCII.



# 1. SERMONS SVR L'HISTOIRE DE LA Passion & sepulture de nostre Seigneur Iesus Christ, descrite par les quatre Euangelistes.

[ Page 1 ]

## 1.1. SERMON PREMIER

COMBIEN que toute la *[Note: La satisfaction pour nos pechez, ne doit pas estre restraite à la mort de Christ.]*

vie de nostre Seigneur Iesus Christ, c'est à dire, cōme parle S. Luc Act.

1.1. tout ce qu'il a fait & enseigné , à commencer dès lors qu'il estoit au

vêtre de la vierge Marie sa mere, ait esté vne perpetuelle souffrance , & satisfaction pour nos pechés: ce neantmoins sa mort ayât esté le plus rude combat qu'il ait soustenu , & la closture de son obeissance , comme cela est expressément noté par l'Apostre Philipp. 2.8 & Colos. 2.14&15. & ailleurs en tant de passages , que nous renuoyent specialement au sang d'icelui respandu pour nous : il s'ensuit qu'entre toutes les histoires Euāgeliques ceste-

[ Page 2 ]

ci nous est la plus necessaire, cōme aussi le saint Esprit a voulu qu'elle ait esté tres-amplement enregistree par tous les quatre Euangelistes, comme celle qui doit estre entendue & meditee iour & nuict, voire et tous moments, par les vrais Chrestiens.

*[Note: L'vsage & l'abus des ieusnes de deuât Pasques. Comment & pourquoy on a osté ceste coustume.]* Voila pourquoy en l'Eglise Chrestienne de

toute ancienneté ce temps mesme de l'annee auquel nous sommes, a esté cōme dedié à la declaration d'icelle, & mesmes s'y preparoit-on par quelques ieusnes & autres exercices de pieté, dont sont venus ces mots de Septuagesime , Sexagesime , Quinquagesime, & de Caresme, selon que les vns s'y addonnoyent de meilleure heure & plus longtems que les autres, cōme l'histoire ancienne Ecclesiastique nous mōstre. Mais les consciences estoyent libres en cela, & le tout estoit conioinct avec la doctrine pure, & sans superstition, iusques à ce que Satan , nonobstant l'aduertissemēt expres de l'Apostre Coloss. 2.18&23. se seruait en partie de l'ambition, en partie de l'ignorance de quelques Euesques , qui sont tantost entrés en l'Eglise apres le deces des Apostres, comme l'auoit tant expressément predit Saint Paul, Actes 20.29. & 30. & ont finalemēt abusé de la simplicité du pauvre peuple destitué de vraye pasture, a chāgé tout ce qu'il y auoit de bien: premieremēt en quelques abus, & finalemēt en vne

[ Page 3 ]

en superstition , voire impieté, entant que toute la vraye doctrine de la Penitēce y est entieremēt renuersee, & le fruit de la mort & passion du Seigneur du tout aneanti, avec

vne superstition plus que Pharisaique. C'est donc à bon droit que ces grâds personnages & hōmes de Dieu, suscités de nostre temps suyuant l'exemple d'Ezechias en ce qu'il fit du serpēt d'airain, quoy qu'il eust esté dressé & conserué avec edification lōg temps par le vouloir de Dieu, cōme il est escrit au 2. des Rois. 18. 4. ont raclé tout cela , redressans , au lieu de ceste adstriction des consciences à certains nombres de iours, & à distinctiō, de viandes, la doctrine de la penitence Chrestienne, la sobrieté, le vray ieusne, & sur tout les fruitcs & effects de la mort & passion du Seigneur. J'ay donc choisi volontiers ceste histoire à exposer à la maniere accoustumee de ceste Eglise : mais vn peu plus tost que de coustume, a fin d'auoir tāt plus de loisir de la considerer & exposer par le menu: nous estāt cela plus necessaire que iamais, pour estre fortifiés & soutenus en ceste tant rude espreeue de guerre , source d'infīnies miseres & calamités, desquelles il plaist à Dieu nous visiter par ses paternels iugemens, à nostre grād auancement , si nous en sauons faire nostre profit, selon l'intention du Seigneur, en tous ses chastimens paternels: mais au contraire à

[ Page 4 ]

nostre ruīne, & desolation entiere, si nous ne pensons de plus pres à nous humilier sous sa main puissante, au lieu d'abuser d'vne si longue & plus que tres-patiente patience , accompagnée de tant de miraculeuses assistances qui nous a faites depuis vn an, avec l'[estonnement] , mesmes de ses ennemis & les nostres.

*[Note: Comment il nous faut appliquer ceste histoire]* Or n'est-ce pas tout de faire mention de la mort & passion du Seigneur, ni de l'appeller Sauueur & Redempteur: amis il faut que cela se face cōme il appartient, avec vne intelligence de ce tres-haut mystere , autant que Dieu le nous a déclaré , penetrant en crainte & toute reuerence iusques au fond de ce secret pour en bien sauouer tant l'amertume, quant à celui qui a souffert ces choses, que l'innombrable douceur que nous en deuons tirer pour nous viuifier à iamais. Et di cela expressēmēt, à fin que nous sachions qu'il nous faut apporter à la lecture & declaration de ceste histoire , non par vne simple cōpassion humaine , de voir le iuste des iustes si cruellement traitté: ni vne simple detestatiō des meschās pour se colerer cōtre les Iuifs , contre Iudas , contre Caiphe & Pilate: combien que ceste histoire ne puisse estre leuē sans qu'on n'en soit iustement passionné: mais vn cœur touché iusques au vif du sentiment de nos fautes que le Seigneur a portees sur le bois

[ Page 5 ]

bois avec telles angoisses: vne vraye detestation & recognoissance de sa vie passee : vn vray desir d'amendement: vne apprehension tres-ardente de la hauteur , largeur , & profondeur de ceste incomprenable dilection de Dieu , ayant donné son Fils vnique pour nos

pechés.pour vne rāçon si precieuse:& de ceste incomprehensible bonté du Fils de Dieu, ayant plus aimé ses ennemis que soy-mesmes , iusques à la mort , voire la mort de la croix: & finalement ce vray & ferme appaisement de nos consciences , en ayant trouué nostre paradis au profond mesme des enfers, iusques ausquels ce grand & seul Sauueur des hommes s'est abbaissé,pour nous esleuer avec soy iusques par dessus les cieux.

Et pour paruenir à cela,deuant que d'entrer [*Note: Cinq poincts prealables ausquels il faut rapporter ceste histoire.*] au fil de l'histoire,nous traiterons prealablement par ordre certains poincts,ausquels il faut rapporter toute ceste exposition, à sçauoir:Qui est celui qui souffre : Les causes qui ont esmeu le Seigneur à nous sauuer par ce moyen : En quel esgard il est dict qu'il a souffert : Ce qu'il a souffert pour nous: & finalement les diuerses fins , qu'il en faut recueillir.

Quant au premier poinct donq , qui est [*Note: Iesus Christ est l'unique vray fils de Dieu*] le fondement sur lequel il nous faut bastir tout le reste , suyuāt le dire du Seigneur, Iehan. 17.à sçauoir que la vie eternelle gist en

[ Page 6 ]

la cognoissance du Pere, qui est le seul vray Dieu , & de celui qu'il a enuoyé,à sçauoir Iesus Christ , & de ce que dit l'Apostre 2.Corinthiens 1.20.à sçauoir que toutes les promesses de Dieu sont verifiees & fermes en Iesus Christ:le sōmaire en est que celui,dōt il est questiō en toute ceste histoire de ses souffrāces , est l'vnique Fils de Dieu , nōmé Iesus Christ,comme nous le cōfessons au sommaire de nostre foy, qui s'appelle le Symbole Apostolique.

[*Note: Ceste verité a esté combatue pieça par quatre blasphemies.*] Mais ce poinct doit estre d'autāt mieux & plus clairement exposé qu'estāt de tres-grande consequence,il a esté de tout temps combatu par Satan & diuers heretiques , dés le temps mesmes des Apostres. D'autant donc que la Deïté est vne essence du tout spirituelle , inuisible,bref,du tout infinie,les vns ne pouuans accorder ce mystere avec leur entendement humain , & voyans que quelquefois les Anges,les Magistrats,voire mesmes les fideles sont appelés enfans de Dieu, & mesmes qu'Israël est appelé , le Fils aisé de Dieu , Exod.4.22. ont enseigné que Iesus Christ estoit appelé Dieu , non pas qu'il fust Dieu par ceste Deïté essentielle, mais à cause de son excellence par dessus toutes les autres creatures. Les autres n'estans en non moindre erreur , mais se fouruoyans par vn autre destour,ont dit que Iesus Christ estoit bien vray

[ Page 7 ]

vray Dieu essentiellement,mais qu'ainsi que Dieu & les Anges sont souuent apparus en diuerses formes,ainsi le Fils de Dieu s'estoit monstré comme homme en apparence,pour se rendre plus familier , & non pas qu'il eust vne nature vrayement & essentiellement humaine. Et ces deux heresies estant redarguees par presqu'infinis passages expres tant du viel que du nouueau Testament , ont esté

pieça condamnées, non pas cōme simples erreurs, mais cōme renuersantes le fondement de la foy & de l'esperāce de nostre salut, comme nous dirons ci apres. Mais Satan ayant esté dechassé de ces deux costés, n'a pas laissé d'assaillir ceste verité par deux autres endroits, ayant suscité ceux qui ont bien confessé la Deité & l'Humanité essentielles de Iesus Christ, mais iointes & vnies ensemble par vne meslinge, tant des deux essences que de leurs proprietés naturelles : & d'abondant ceux qui au lieu de les mesler, les ont des-vnies, enseignans que la Deité, sur tout depuis le Baptesme de Iesus Christ, a assisté à Iesus Christ hōme, ainsi qu'aux Prophetes & autres excellentes personnes, mais d'une vertu speciale & tres-excellente : à raison dequoy ce surnom de Dieu lui a esté donné: lesquelles heresies ont esté pièça conuaincues, & anathematisees es Conciles generaux, & vrayement Chrestiens, par la pure parole de Dieu.

[ Page 8]

[*Note: Response au premier blaspheme.*] Et de faict, l'un de ces blasphemes estant posé, le fondemēt de nostre salut est renuersé de fond en comble. Car quant à la premiere de ces heresies blasphematoires & vrayement enragees, si Iesus Christ n'est autre chose qu'une creature, quelque excellente & diuine qu'on la face, ceux-là seroyent idolatres qui mettent leur esperance en lui, & qui l'inuoquent: & ne nous pourroit ni pardonner nos pechez, ni ressusciter nos corps, ni nous donner la vie eternelle, estant toutes ces choses incommunicablement propres à l'essēce diuine. Et comment serions-nous baptisés en son nom aussi biē que du Pere & du saint Esprit? comment seroit-il appelé Fils unique de de Dieu? comment auroit-il esté dict qu'il estoit desia quand toutes creatures eurent commencement, Ieh. 1.1? comment auroit-il fait toutes choses qui ont esté faites, Ieh. 1.3? cōmēt, s'il n'estoit que creature, auroit-il peu porter la fureur de Dieu son Createur sans en estre englouti? comment se seroit-il ressuscité soy-mesmes? bref, comment seroit-il nostre Iesus, c'est à dire, Sauueur?

[*Note: Respōse au second.*] Et quāt à la seconde heresie, s'il n'a vestu nostre nature humaine qu'en apparēce, nous sommes donc encore redeuables à la malediction de Dieu, & toutes ses souffrances n'auront esté qu'illusions, & par consequent nostre

[ Page 9]

nostre redemption sera toute phantastique & imaginaire.

Il en faut conclurre autant du troisieme [*Note: Respōce au troisiemes*] blaspheme, par lequel la Deité est rendue muable & chāgée & diminuée en soy-mesmes: & nostre nature humaine est esleuee outre vne qualité, qui la trās-formeroit en Deité, dont s'ensuyuroit que Iesus Christ ne seroit ni vray Dieu, ni vray homme, mais vne tierce essence, composée de la meslinge des deux. Chose qui le nous rendroit du tout inutile

, comme aussi elle est si monstrueuse & detestable, qu'elle ne merite pas mesmes d'estre refutée, quoy qu'elle ait abusé infinies personnes, ensorcelés par vn mal-heureux Moine.

Et quant à la quatrieme, si elle estoit veritable *[Note: Respōse au quatrieme.]*  
il y auroit deux Fils, à sçauoir, vn Fils de Dieu à part, & vn fils de la vierge Marie à part, dōt ni l'vn ni l'autre ne nous seroit Sauueur à part: au lieu que la Deïté ne nous sauue que moyennant la satisfaction de l'humanité: & les souffrances de l'humanité ne peuuēt auoir la force de nous estre viuifiātes que par la Deïté, non point separée, mais coniointe & vnīe de la façon que nous dirons tantost.

Il faut dōc opposer à toutes ces faussetés *[Note: Sommaire de la verité opposee aux precedents blasphemes.]*  
ceste seule & pure verité: Que le seul & vniue  
Fils de Dieu coeternel & coessētiel avec

[ Page 10]

le Pere & le saint Esprit, & la seconde personne entre les trois personnes (qui sont vn seul & mesme Dieu, non pas diuisées en essence, mais distinctes par leurs propriétés personnelles) ceste vniue personne, di-  
ie, du fils de Dieu, selon la volonté de Dieu son Pere, & par l'operation du saint Esprit, au temps ordōné diuinemēt, & predit par les Prophetes, s'est vni à nostre nature humaine, composée d'vn vray corps, formé de la substance de la vierge Marie, & d'vne tres pure & tres-sainte ame humaine, tellemēt & de si pres, que chacune nature retirāt son essence & ses propriétés essentielles, sans aucun meslinge, il est vray Dieu, comme il estoit, & avec cela vray homme en tout & par tout semblable à nous horsmis peché: comme estāt selon le corps tiré & formé de la substance de la sainte Vierge, & par consequent vray Dieu & vray homme en vnité de personne, comme nous en verrons tres-expres tesmoignages en ceste histoire plus qu'en nulle autre: pour nous estre fait sapience, iustice, sanctification & redēption, 1. Corinthiens 1.30. Pour reuenir dōc à nostre question, c'est ce seul Fils de Dieu, à qui appartiennent ces souffrances, comme à celui qui a pris nostre chair pour estre nostre pleige enuers Dieu son Pere, & nostre rançon entiere en corps et en ame. Et qui sera l'esprit, voire

[ Page 11]

voire mesme Angelique, qui puisse comprendre, ni la langue, qui puisse exposer ceste vniō personnelle de celui, qui estant en forme de Dieu sans rapine, c'est à dire vray Dieu essentiel, se soit ainsi vni à la forme de seruiteur, c'est à dire, à nostre vrayement & essentiellement humaine nature, abbaissee iusques à la mort, voire à la mort de la croix? qui pourra, di-  
ie, comprendre comme l'Eternel Fils de Dieu a voulu se faire en vnité de personne, fils d'Adam conçu au ventre d'vne Vierge, n'y ayant pas encore seize cents ans que l'infini Createur se fit ainsi vni à la creature: l'inuisible

avec le visible : le Tout-puissant avec le plus infirme de tous les hommes: bref la vie à la mort: mystere plus qu'esmerueillable aux Anges mesmes & plus que tres-grand, comme specialement l'appelle l'Apostre 1. Timot. 3.16. & Ephes.3.18. que la chair & le sang ne nous reuele point, mais le Pere, Matth.16.17. par le Fils qui est au sein du Pere, Ieh.1.18. & dont il est venu pour nous annoncer en personne ce secret Rom.16.25. comme il auoit promis par la bouche de ses Prophetes dès le commencement, Luc.1.70.&1.Pier.1.11.& 2.Pier.1.21.

Je vien maintenant au second poinct mis [*Note: Les causes qui ont esmeu Dieu à nous sauuer par ce moyë & comme*] en auât par moy, à sçauoir aux causes qui ont esmeu le Pere à nous donner son Fils, le Fils à mettre iusques à sa propre personne pour

[ Page 12]

[*Note: ils les faut mediter pour nostre salut.*] nous, le saint Esprit tant à l'operation de ceste incarnation, qu'à nous faire entendre

ceste tant pretieuse verité. Et que puis-je, ou doy-je dire sur cela, sinon que c'est luy-mesmes, c'est sa sapience incomprehensible, c'est sa bonté inestimable, c'est l'abysme de ses misericordes qui a induit le Pere à nous donner tel decret, le Fils & le saint Esprit, s'y rengeâs de ceste mesme volonté, comme ils font vne mesme essence, & inseparables en leurs operations. Car qu'y auoit-il en l'homme ni dedans ni dehors, qui peust obliger le Createur à sa creature, quand mesmes elle fust demouree en son integrité, attendu que la conformité qui se trouuoit lors entre Dieu & son image qui rendoit l'homme agreable à son Createur entre toutes les creatures d'ici bas, ne procedoit que de la mesme seule gratuité qui l'auoit esmeu à le creer & façonner à son image? Mais l'homme, par sa seule ingratitude volôtaire, s'estât tellement desfiguré qu'au lieu que le Createur ne voyoit rien en luy qui ne luy fust agreable, n'y a rien peu voir depuis ce temps la qui ne l'offensast: qui pourra dire, sans mêtir, que Dieu ait rien veu ni preueu en ceste pauure & miserable creature, qui le deust esmouuoir en sorte quelconques à luy vouloir bien? ou plustost qui ne le deust esmouuoir à l'exterminer du tout? & cōment les tenebres de l'entēdemēt de l'hom-

[ Page 13]

de l'hōme, la peruersité de sa volôté, l'ordure de ce pauure corps pourroyēt ils auoir induit la Lumiere, la Bonté, la Pureté à aimer vne creature si corōpue? voire à l'aimer iusques-là de l'adiondre à soy de si pres, qu'en la personne de son Fils, par le moyen de ceste tant admirable vnion dont nous auōs parlé, ceste humaine nature n'est pas seulement refaite à l'image de son Createur en toute perfectiō: mais il se peut & doit dire que cest homme-là est deuenu le vray, seul, coessentiel, & coeternel Fils de Dieu son Pere: & ce non pas afin que nostre nature en cest homme-là seul fust esleuée en ceste gloire par dessus les Anges mesmes, iusques à sa dextre, Philip.

2.9. mais aussi à fin que tous ceux qui seroyēt incorporés en icelui pour estre ce corps mystique, qui s'appelle l'Eglise,dont cestui-là est le Chef , soyent faits ses coheritiers selon leur mesure en gloire eternelle, eph.4.16. & 5.30.suyuât la requeste que luy-mesmes en a faite, Ieh.17.24. & que l'arrest en sera pronôcé au dernier iour: Matth.25.34. estant mesmes pour cela Iesus Christ appelé par l'apostre,le Fils aigné entre plusieurs freres, Rom.8.28.estâs assis desia par esperâce es lieux celestes avec luy, Eph. 2. 6. en attendant que ce que nous sommes soit du tout apparent. 1. Ieh.3. 2. Que dirons-nous donc ici sur cela,mes freres, sinon que c'est ici le secret des secrets de

[ Page 14]

Dieu? ici est ouuerte la plus que tres-haute hauteesse de sa bonté , laquelle seule celui qui est specialement & à si bon titre appelé le gardiē des hommes,Iob.7.20. 1.Timoth.4. 2. à trouuee en soy-mesmes pour tant aimer ses ennemis , Rom.6.8. qu'il n'a pas mesme espargné son propre Fils pour leur salut, Rom.8.32. Ieh.3.16. voire mesmes iusques à s'embraser de sa plus ardente & terrible fureur, en prenant nostre cause contre nos ennemis, Isa.37.32. & Zach.8.2. oubliant nos pechés, & se souuenât de son alliance, Luc. 1.72. par la teneur de laquelle il est dit qu'il benira ceux qui beniront la sainte race de Abraham,& maudira ceux qui la maudiront. Gen.12.3.Et qui a induit l'vniue Fils de Dieu de vouloir le mesmes pour s'aneâtir, en prenant forme de seruiteur Philip. 2.7. pour estre mesprisé & desbouté d'entre les hōmes, nauré pour nos forfaitcs,froissé pour nos iniquités, & faire venir sur soy l'iniquité de nous tous, Esa.53.3. & versets suyuaus? qui l'a, di-ie,fait s'abaisser iusques à estre en ceste chair qu'il a prise pour nous , plustost vn ver qu'vn homme, Psea.22.7? voire iusques à estre fait malediction pour nous Galat.3.12.sinon la mesme volonté de Dieu son Pere , & ceste inenarrable dilection enuers ceux là mesmes qui le crucifoyent[,] Luc.23.3? qui la esmeu à si grâde compassion sur le pauure peuple destitué stitué

[ Page 15]

de Pasteur,Matt.9.36.& sur la ville de Ierusalem,ne reconnoissant le temps de sa visitation Luc.19.44? Et quelle autre cause aussi peut auoir induit le saint Esprit,par lequel le Pere & le Fils comme par leur coëssencielle & coëternelle puissance ont executé ce secret , à estre nostre regenerateur Ieh. 3.6. nostre docteur Ieh.16.13. & consolateur Ieh.14.&15.&16. iusques à nous mettre au cœur ce qu'il nous faut demander par souspirs inenarrables, Rom.8.25. & à nous faire crier à plene bouche,Abba,c'est à dire Pere. Galat.4.6? C'est donc en somme la seule infinie gratuité de Dieu,dôt est procedée nostre redemption.Mais quel en a esté l'obiet?nostre misere ayant esmeu sa misericorde. Et comment cela, veu que toute nostre misere

procede du peché, qui est l'obiet de la iuste  
 fureur de Dieu? C'a esté d'autant qu'il luy a  
 pleu,monstrant en cela vne plus qu'incomprehensible  
 sapience, de considerer en nous  
 nostre plus que pauure & miserable estat, &  
 non point la cause d'iceluy, à sçauoir nos pechés  
 & nos iniquités,lesquelles il a voulu en  
 toute rigueur & seuerité chastier en nostre  
 pleige & respondant,lequel seul s'est trouué  
 assez fort pour porter ce fardeau , sans demourer  
 sous le faix,côme estât non seulemēt  
 homme , mais aussi vray Dieu & tout-puissant.  
 A parler donc propremēt,mes freres,ce

[ Page 16]

n'a point tant esté ni Satan,ni Iudas, ni Caïphe,  
 ni les Iuifs, ni Pilate, ni les bourreaux,  
 qui ont crucifié celuy qui de vengeur s'est  
 fait Sauueur : mais ce sommes nous , nous,  
 di-ie,mes freres qui l'auons apres tant d'autres  
 souffrances fait lier & garrotter , condamner  
 pour blasphemateur , & coupable  
 de lese maiesté diuine & humaine,mocquer,  
 souffletter,foitter,crucifier , percer , entrer  
 en la mort , la plus cruelle & ignominieuse,  
 & mesmes maudite de Dieu en la Loy, Deut.  
 21.23. & Galat.3.13. voire poussé iusques en la  
 cauerne du sepulchre. Nous condemnōs bien  
 donc Satan,& tous ceux desquels il s'est serui  
 en vne si execrable meschanceté , dont ils  
 porteront le cōble de la peine,quand ils verront  
 sur son throne de gloire celuy qu'ils ont  
 percé,Zach.12.10.&Ieh.19.37.Mais c'est contre  
 nous que nous-nous deuons despiter:sont  
 nos pechés & nos iniquités que nous deuōs  
 detester : c'est nostre ingratitude , rebellion  
 & endurcissement que nous deuons apprendre  
 à cognoistre telles qu'elles sont,pour no9  
 abbaïsser iusques aux enfers , en ayant honte  
 de nous-mesmes, en nous contemplant en  
 ce crucifié , & non pas en ce faux masque de  
 tresfaux plaisir , duquel le peché nous abuse  
 & ensorcelle.Et s'il y a auïourd'huy peuple  
 au monde qui ait besoin de ceste doctrine  
 & de penser à soy de pres,gemir & souspirer & de-

[ Page 17]

& demander à Dieu maintenant ou iamais  
 ce cœur brisé & froissé , qui est le premier  
 point de vraye repentance , Psea.51.19: c'est  
 à nous, à nous, di-ie, peuple de Geneue, d'y  
 penser tres-viement. Car à qui pourroit  
 mieux appartenir qu'à nous ceste tant lamentable  
 complainte du Seigneur par son  
 Prophete Mich.6.3?

Mon peuple , que t'ay-ie  
 fait,& en quoy t'ay-ie trauaillé? respon-moy

Car de quelle seruitude d'Egypte, auōs-nous  
 esté deliurés? quels Moyses & quels Aarons  
 nous ont esté enuoyés de Dieu ? de quelle  
 paillardise d'Egypte sommes-nous sortis?  
 quelle mer rouge de persecutions auōs-nous  
 passée?nous,di-ie,qui auōs esté tirés & conduits  
 par la main de Dieu, des bords de  
 tant de nations,non point en vn desert, mais

tout droit en vne terre de Gosen , affluente  
de ses vrayes delices , & là où mesmes nous  
auons esté & sommes corporellement nourris  
par trop delicatement? Et cependant que  
peut trouuer le Seigneur en ceste vigne tant  
bien cultiuee, sinon des lâbrusches, & fruicts  
tresamers , maintenant que le Seigneur , apres  
auoir tant attendu nous fait bien entendre,  
si nous auons des aureilles, qu'il y est  
venu vendanger , non point si nous ne pensons  
à nous de plus pres avec le serpillon, qui  
cueille les bons raisins, pour en faire de bon  
vin , mais avec l'espee , laquelle tenant en sa

[ Page 18]

main flamboyante , & la nous faisant voir,  
non point de loin, comme par ci deuant,  
mais iusques deuant nos murailles , sommes  
nous si sourds que nous ne l'oyons point encores  
prononcer ce qu'il a predit, & finalement  
executé en sa ville ancienne, disant, Isa.

5.3. & vers. suyuans,

Habitans de Ierusalem, &  
vous hômes de Iuda, iugez, ie vous prie, entre  
moy & ma vigne. Qui auoit-il plus à faire à  
ma vigne , que ie ne luy aye fait ? pourquoy  
ay-ie attendu qu'elle produisist des  
raisins , & qu'elle a produit des grappes sauuages ?  
maintenant donc que ie vous face entendre,  
ie vous prie , ce que ie m'en vay faire  
à ma vigne. I'osteray sa closture & elle sera  
broutee: ie despeceray sa cloison , & elle sera  
foulée, & la reduiray en desert, tellement  
qu'elle ne sera plus taillée, ni foussoyée, & les  
rôces & espines y monteront , & commanderay  
aux nuées qu'elles ne facent plus tomber  
de pluye sur elle

. Confessons donc, mes  
freres , confessons que les sangliers sont entrés  
par nostre faute en ceste vigne, Pse. 80.  
14. & disons,

O Dieu des armees retourne, ie  
te prie, regarde des cieux, & voy, & visite ceste  
vigne

. Et quels sont ses sangliers? l'auarice,  
la desfiance, la gourmandise , la paillardise,  
la desloyauté, l'iniustice , la fierté , le  
meurtre , bref, tous les fruicts de la chair, qui  
sont recités, Galat. 5. 19. & vers. suyuans. quoy que

[ Page 19]

que le Seigneur admoneste , crie, chastie , &  
toutesfois en telle douceur, iusques ici que la  
misericorde , voire miraculeuse , a surmonté  
le iugement. Quand auons nous donc assez  
crucifié nostre Seigneur Iesus Christ? quand  
considererôs-nous que dira de nous vne grâde  
partie du monde, que ie puis dire auoir sa  
veuë iettée sur vne ville de Geneue? & si les  
hommes , & nostre propre cœur nous condänent,  
que fera celuy qui est assis sur le throne,  
& trop plus grand que nostre cœur , 1.  
Ieh. 3. 20. & qui a desia comme ouuert a bouche  
pour donner son arrest , n'ayant pas

seulement attendu trois ou quatre ans a recevoir le fruit de ce figuier, Luc.13.7? quand, di-ie , aurons-nous honte & pitié de nous-mesmes? quand honorerons-nous celuy qui nous a tant aimés , & reuerons-nous celuy deuant la Maiesté duquel les Anges mesmes couurent leur face? Dieu vueille , mes freres, que ce soit dés maintenant , sans attendre que l'huis nous estant clos, comme nous fermons les aureilles aux remonstrances de nostre Dieu , quoy que tant de miracles ayent esté faits parmi nous , il ne nous soit respondu comme il est escrit Matth.7.23. Je ne vous cognoy point, despartez vous de moy, vous qui faites le mestier d'iniquité. Le Seigneur Dieu nous en vueille garder par sa tresgrande, voire infinie misericorde , & [ Page 20]

nous face plustost la grace par le moyẽ , d'vn bon & vray amendement , de voir l'obligation de nos pechés , rayee & bissee en la croix du Seigneur , & l'ètiere quittance d'iceux escrite de son propre sang, à la gloire de son saint Nom , & consolation de tous ses pauvres enfans.